

Қуръони Каримда белгиланган улушлар ва фарз улушлар



11:55 / 20 август 1239

Қуръонда зикр қилинган улушларнинг адади

Ҳақдорларнинг мерос олиш шартлари

Мероснинг ярмига ҳақдорлар

Тўртдан бирга ҳақдорлар

Саккиздан бирга ҳақдорлар

Учдан иккига ҳақдорлар

Учдан бирга ҳақдорлар

Олтидан бирга ҳақдорлар

Икки Умария масаласи

Қуръонда белгиланган фарз улушлар

Қуръони Каримда белгиланган фарзлар (мерос олинадиган улушлар) олтига бўлиб, улар икки турга бўлинади.

Биринчи тур уч хил:

1. Ярим ($\frac{1}{2}$);
2. Тўртдан бир ($\frac{1}{4}$);
3. Саккиздан бир ($\frac{1}{8}$).

Ушбу уч хил улуш биринчи тур деб номланиб, уларнинг махражи бир-бирига бўлинади.

Иккинчи тур ҳам уч хил:

1. Учдан икки ($\frac{2}{3}$);
2. Учдан бир ($\frac{1}{3}$);
3. Олтидан бир ($\frac{1}{6}$).

Ушбу уч хил улуш иккинчи тур деб номланиб, уларнинг ҳам махражи бир-бирига бўлинади.

Бу улушларни икки хил йўл билан билиш мумкин:

1. Юқоридан пастга тушиш йўли билан. Бунда фарзлар баён қилиниб, ярим; яримнинг ярми (тўртдан бир); яримнинг ярмининг ярми (саккиздан бир); учдан икки; учдан иккиннинг ярми (учдан бир) ва учдан иккиннинг ярмининг ярми (олтидан бир), дейилади.
2. Пастдан юқорига чиқиш йўли билан. Бунда саккиздан бир; унинг икки баравари (тўртдан бир); (саккиздан бирнинг) икки бараварининг икки баравари (ярим); олтидан бир; унинг икки баравари (учдан бир) ва икки бараварининг икки баравари (учдан икки) дейилади.

«Ислом шариатида мерос илми» китобидан

Ушбу китоб Ўзбекистон Республикаси Дин ишлари бўйича қўмитанинг 2021 йил 24 августдаги 03-07/5163-рақамли ҳамда 2022 йил 27 сентябрдаги 03-07/7348-рақамли хулосалари асосида тайёрланган.